



Lusaka kasima khutima. Endalo ndala abele  
khatima mala kakwa. Lusaka kekhala asi kalola  
lulwala luumie.




Khalayi kabolela Lusaka ali kalaa. Khalayi kabona  
bunyasi khumurwe kwa Lusaka mala kamurusia  
bunyasi khumurwe.




Khalayi kabolela Lusaka kenyokhe. Lusaka  
kenyokha.



Lusaka nga kenyokha kema khusikele silala. Lusaka  
kelocha ali lulwala lumuchuna.



Kumukongo kwa Lusaka kwabakho lufumbi. Khalayi  
kamureba kabali kaumie kumukongo. Lusaka  
kaloma ali sekaumie mumukongo ta.



Khalayi kamuamba Lusaka mumaa mala kamuyeta  
khukenda.



Khalayi nalikho amuyeta, Lusaka kaba aulila  
burafu.



Khalayi kamukesia mala kamwosia engo. Mayi wa  
Lusaka kenya khumanya sina sibi.



Lusaka kaloma ali abele atima mala khulola asi  
ta, liwa liamuuna. Mayi wa Lusaka kamubolela ali  
natima alole asi.



Mayi kamupangusia sikele siumie khukhwamila  
mulisikamo. Mayi nalikho amupangusia, Lusaka  
kaba aulila burafu.



“Sikila sina lisiati liatabukhe khusifuba.” Mayi  
kareba. Lusaka aloma ali sikila akwile. Mayi wewe  
kamuila mwosibito.



Dakitari kamusilikha mala kaloma ali alaola.

Dakitari yesi kamuboela ali natima afware biraro  
nio liwa likhamuuna tawe.